


مجموعه آثار آیت الله العظمی

ادبی و سیاسی رساله‌ها اسبوعیه در
۳۰ نجی سنه



۱۵ شعبان المعظم ۱۳۲۹

پنجشنبه

جزء عدد : ۱۰۸

غرائب مدنيه دن

(مابعد عن جزؤ ١٠٧)

سپر صاعقه اسكى مصريلر طرفندن - واقعا شكل ابتدائيه اوله رق -
ميلاددن ١٣٠٠ سنه مقدم درك واستعمال ايدلمشدر . صاعقه يي جذب و برطرف
ايتك ايجون اوچنجي رامسس (مدينه آبود) ده - شهبه سز مواقع سارده دوده ،
حتي آنك زمانندن مقدم - شهر قبولرينك بالاسنه ركز ايتديرديكي يوكسك ديركلرك
سيوري اوچلريني تدهيب ايتديرمشدر .

يونان و روما راهبرينك صاعقه يي سمدان جلب ايتك صنعتنه واقف بولندقلري
- وفي الواقع ييلديرمك آنلره اصابت ايله تلف اولدقلري - صحيحدر . بومقصد
ايجون راسلري معدن قابلي ديركلري ركز ايتمكده ايديلر ، چونكه صاعقه نك
مواد سارمه نسبة معادن ده زياته ميال و منجذب بولنديغني تفرس ايتمشلر ايدى .
مع هذا تاثير صاعقه يي زمين راطب دروننه نقل و برطرف ايدمك تربيات
نقصان ايدى .

§

حوادث و معلوماتك مخبره كوكرجينلري واسطه سييله نقلى دخى بك قديمدر .
يونانيلر ايله روماليلر و باخصوص ده واسع برمقياسده عربلر استعمال ايلشدردر .
فى الواقع بغداددن حلبه و آناطولى ساحلى تعقيباً اسكندريه يه قدر مخبره
كوكرجينلري استخدام ايلشدردر . مؤخرأ بومقصد ايجون قبرلانفج دخى استخدام
ايدلمشدر . پوليبوسك روايته نظراً يونانيلر حتى آتش تلغرافى استعمال ايلشدردر .

§

زمان قدیمده غزته دخی نشر ایدلمشدر . میلاددن ۵۹ سنه اول سه زار طرفندن زوماده

acta diurna ویا acta urbis یعنی « حوادث یومیه » نامنده بر جریده تأسیس ایدلمشدر . بوجریده ده معلومات رسمیه ایله حوادث خصوصیه ترکیب و ترتیب ایدیلهرک نشر اولمشدر .

§

زمان قدیمده صنی عضولر دخی اعمال ایدلمشدر . اسکی هندیلر پک عادی بر ایشدن معدود ایش کی آچیدن برون ، قولاق ، دوداق اعمال ایدرلر مشکه اوزمانلر بوکی عضولرک برای مجازات صیق صیق قطع ایدلمش اولدیغنه دلالت ایدر . یونان و روما افراد عسکریه سندن قولی و باجاغنی ضایع ایش بولسانلره صنی قول و باجاق تطبیق ایدیلر ایش . انکلترده

royal college of surgeons

موزه سنده تقریباً میلاددن ۳۰۰ سنه مقدم (قاپو آ) قبرستانده بولنمش بویله بر صنی باجاق محفوظ بولنمقده در .

موزه نك قانالوغنده بوکا دائر شو سطرلر محرر در : « عضو صنی تماماً بر باجاغك شكلی تصویر ایدر ، اینجه طونج لوحه لردن وجوده کتیریلهرک طونج چویلر واسطه سیله دروننده کی قسم خشبی به تثبیت ایدلمشدر . سربست قالان اوجلرنده دلیکلری حاوی بولسان ایکی دمر چبوق طونجك الك فوقانی و خارجی اوجلرینه ربط و تثبیت ایدلمشدر . »

§

بیق اوجلرینی آلا قیصر ديك طومغه مخصوص اولان « بیق یاغی » نك ۱۶۰۰ سنه سنده طرز دیگر ی وار ایش . مشهور سروانت دردنجی کتابنك اون بشنجی فصلنده طرز آتیده تعریف ایلشدر : « دون کیشوت یتاغنك اوزرنده اوطور بر وباشنه سیوری بر تاقیه کچیرر و بیغنك اوجلرینی چینی بینی کی آشاغی دوشمامك ایچون تاقیه به ربط ایلر ایش » .

§

ارضك كرى الشكل اولديغنى آنا قسىماندر و فيثاغورث تعريف و تعليم ايلشردر .
 حال بوكه ميلاددن ۳۵۰ سنه مقدم اودوقسوس . ارضك كرى الشكل اولديغنى
 صورت قطعيده بيان ايلشدركه آرخيمه (آرشيميد) بوكا دلائل ابتدائيه تحريسي
 ايله مشغول اولشدر . مأمون خليفه محيط كرمك ۲۴۰۰۰ انكليز ميلى و بر درجه
 طولك ۵۰۹ متره اولديغنى صورت صححهده حساب ايتدير مشدر .

§

چك ، جبرو ، اصولى زمان قديمده وار ايمش . حتى بابلييلر زنده تحويلات
 دخى معلوم ايمش . (هيپوتك) اصولى دخى آلتنجى عصرده مستعمل ترتيبات دائمه دن ايمش .

§

(مونوقل) دينلان تك كوزلك دخى شايان حرمت اولان قدمى ايله افتخار
 ايدم بيلير . امپراطور (نرو) سير قلرده غلادياتورلر ك مبارزاتى . بر زمر ددن باقهرق
 تماشا ايدر ايمش .

§

هردرلو اعلاناى ياپيشدير مق ايچون زمان زده هنوز اوقدر تهم ايتامش بولنان
 « اعلان ستونلرى » (هرقولانوم) شهرنده موجود ايمش . اعلانلر دخى ضيق عربى
 ايله ياپيشديريلير ايمش .

§

زمان قديمده اوتومات (يعنى ذات الحركه) آلتلر دخى موجود ايمش . اسكندريه لى
 هرون معبدلرده موضوع اولان ماء مقدس ذات الحركه كوليسنه بر در اخى ويا
 بر اوبولوس آتيله جق اولورسه صو آققده اولديغنى حكايه ايلور .

بالخاصه شايان حيرت اولان اوتومات ايسه داهى هرونك تكليف و تعريفى
 اوزرينه قيصر تئوفيلوس طرفندن (۸۲۹ - ۸۲۲) اعمال ايتديريلان ايمش .
 مختك هر ايكي طرفنده خالص آلتوندن ايكي آرسلان ياپديرمش ، قيصر تختك
 اوزرينه اوطوردى زمان ترتيبات ميخاييكه ايله ايكي آرسلان قالفهرق بوكوردكدن
 صكره ينه اوطوريرلر ايمش .

